

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

448. Quæ, & respectu quorum sit præcedentia Parochi.

[urn:nbn:de:hbz:466:1-74477](#)

Episcopo tanquam capite, & à Capitulo tanquam reliquo corpore, sublatu vel impedito capite lex fingat id, quod non facit natura, ut scilicet reliquum corpus, etiam sine capite, ex quadam jure accrescendi, vel non decrescendi, exceptis iis, quae sunt Ordinis Pontificalis omnes alias faciat operationes, ipsumque corpus representet.

*Questio 448. Quæ, & respectu quorum sit
præcedentia parochi?*

1. Respondeo primò: parochus in propria Ecclesia præcedit omnes, etiam in majore dignitate Ecclesiastica constitutos. C. de Luca de regular. d. 65. n. 11. & d. 16. n. 3. Barbos. loc. cit. paroch. c. 9. n. 3. Gonz. ad reg. 8. Cancell. gl. 6. n. 6. Zipa. in analiticis juris Eccles. enarrat. l. 1. tit. de majorit. & obed. n. 8. Cassan. in catalog. gloriae mundi. p. 4. confid. 22. n. 81. quilibet enim in officio proprio præfertur omnibus aliis, licet extra illud iisdem aliis posponeretur. Unde etiam Rector Ecclesie parochialis tanquam caput Ecclesie thurificandus est ante Dominum loci. S. Cong. rituum in Turritan. 7. Aug. 1610. apud Barbos. loc. cit. Et in specie etiam Canonicos cathedrales, nimirum ubi interveniunt jure privato & singulariter. Non tamen præcedit Canonicos cathedrales, ubi illi Capitulariter, seu ipsum corpus cathedralis Capituli representantur interveniunt in parochialibus Ecclesias. C. de Luc. l. cit. Multò magis extra parochiale Ecclesiam v.g. in processionibus & funeralibus parochus non solum Archidiacono & Archipresbytero, sed & ceteris Canonicis cathedralibus Capitulariter incidentibus, seu Capitulo & clero Ecclesie cathedralis digniorem locum relinquere debet, licet ad parochium Ecclesie, in qua defunctus sepeliendus, spectet facere officium. Quin & parochus defuncti, vel Ecclesie, ad quam defuncti corpus defertur, digniorem locum obtinere debeat, & præcedere alios quo sunque presbyteros. Barbos. loc. cit. n. 6. & 7. testans, sic declarat S. Cong. rituum, quam declarationem verbo tenus recitat, & ostensam sibi esse authenticam ait.

2. Secundò parochum, etiam in associandis funeribus propriæ ipsius parochia, & in genere Rectores omnes curatos, plebanos ac presbyteros parochialium in publicis processionibus, functionibus etiam synodalibus, digniorem locum cedere debere Canonicis, etiā collegiarum Ecclesiarum censuit S. Cong. rituum variis declarat. apud Barbos. loc. cit. n. 9. quas decisiones juri consonas ait num. 10. non secū ac capitula tam collegiarum quam cathedralium Ecclesiarum semper & ubique præcedere debent Ecclesias inferioribus, etiam si dictæ Ecclesie capitulares post parochiales erectæ sint, & etiam si in earum erectione inserta esset clausula: sine prejudicio alicujus. Barbos. cit. n. 10. citans Seraph. decis. 1445. in una Uerdensi præminent. 26. Jan. 1602. Unde etiam eo ipso, quod parochialis erigatur in collegiam, præcedit alias parochiales. Corrad. in pr. benef. l. 2. c. 14. nu. 67. C. de Luc. de paroch. d. 36. n. 7. Quin & Ecclesia filialis, quæ prius præcedebatur à matrice, si erigatur in collegiam, præcedit ipsam matricem; quia nimirum mutato statu mutatus jus antiquum. Rota decis. 313. n. 6. p. 2. recentiss. apud Barbos. loc. cit. Neque his obstant aliæ declarationes S. Cong. rituum, quas quoque refert Barbos. n. 8. & quibus concordare videtur rituale Romanum rit. de Exequiis, ubi, quod parochus in omnibus funeribus

præcedit, incedendo ante feretrum. Velen enim volunt, quod parochus ratione officii debeat præcedere inter pares, non autem quando est inter maiores, aut prærogativam habentes, qualis sunt Canonici collegiarum. Vel de præcedentia quando famus defertur ad Ecclesiam ejus, qui stolam defert (quamvis ratio præcisè stola non habeat præcedentiam, cum hæc non de jurisdictione vel prærogativam, sed tantum sit signum sacerdotale) seu dum ab eo fit officium in sua Ecclesia, in qua præcedentiam habet.

3. Tertiò præcedentia inter ipsosinet parochos seu curatos Ecclesiarum parochialium, sive sine seculares sive regulares, datur secundum prærogativam ipsarum Ecclesiarum, & non secundum prærogativam regulæ. Barbos. cit. c. 19. num. 12. Ita tamen, ut parochus ad cuius Ecclesiam defunctus sepeliendus defertur, præcedat parochum alterum, ad cuius parochiam spectabat defunctus juxta præxiu Romæ servari solitam. Barbos. n. 13. vel etiam ut ambo isti parochi, etiam, dum alteruter est regularis induit superpellicio & stola pares ingrediantur juxta dispositionem Ecclesie Mediolanensis. p. 2. actorum. tit. de funere duc.

4. Quartò parochi Rectores & clerici seculares præcedere debent regulares tam Monachos, quam fratres quorumcunque ordinum, etiam mendicantium in funerum associatione, processionibus, & aliis istiusmodi actibus publicis, nec debent Monachi aut fratres cum parochis vel Clericis mixtum incedere, et si contrarium quandoque fiat ex facultatum indulgentia aut humanitate. Barb. num. 14. iuxta declarat. Clem. VIII. decret Romanum Pontificem. 20. Febr. 1601.

PARAGRAPHVS II.

De juribus parochialibus, & in specie de jure funerandi.

Questio 449. In quibus consistat jus parochiale in genere, qualem assistentiam juris habeat, qualiter immutetur, vel etiam��mittatur?

1. Respondeo ad primum: Jus parochiale consistit in pluribus: nimirum in obligatione parochianorum recipiendi in Ecclesia parochiali Sacramentum Eucharistie in paschate, aliaque Sacraenta conferenda moribundis, puta Eucharistiam pro viatico, & extremam Unctionem; in jure funerandi & sepulturæ, in jure percipiendi oblationes & decimandi. de Luca de par. d. 31. n. 8.

2. Respondeo ad secundum: super jure parochiali percipiendi assistentiam juris habent parochi intra parochiarum suarum limites. Abb. in c. diledi. de off. Ord. n. 4. Rota decis. 236. num. 1. p. 1. recent. apud Barb. juris Eccl. l. 1. c. 20. n. 41. Proindeque ex sola juris assistentiâ, nullâ etiam concurrente possessionis probatione manuteneantur iis effec concedenda. Rota in Taurian. decimaram ult. April. 1604. coram Seraph. inter ejus impressas 1497. apud Barb. loc. cit. quoniam hac juris assistentia in judicio retinenda summarissimo sola sufficeret, si versaremur in jurisdictionibus in quibus terminis loquuntur decisiones. Rota 273. n. 1. 382. num. 1.

fol. 22.